



Hydref 2024

Croeso i E-fwletin Cymru Iach ar Waith (CIW)

Mae'r e-fwletin misol yn darparu'r wybodaeth ddiweddaraf gan dîm CIW, newyddion iechyd a llesiant yn y gweithle a dolenni i ymgyrchoedd a digwyddiadau sydd i ddod.

Y mis hwn:

- Gweithdy Rhithwir CIW ar Reoli Absenoldeb Salwch i Gyflogwyr
- Tudalen we CIW newydd ar "Deall y Menopos: Canllaw i Gyflogwyr
- Adroddiad Newydd yn Tynnu Sylw at Gost Gynyddol Salwch yn y Gweithle i Fusnesau'r DU
- Sesiwn Ymwybyddiaeth o Awtistiaeth i Gyflogwr (21 Tachwedd trwy Teams)
- Arweinydd Ymgynghorol Newydd CIW
- Cymru Iach ar Waith Ar Daith
- Dyddiadau Allweddol mis Tachwedd

Mae croeso i chi rannu'r wybodaeth hon gyda'ch cydweithwyr neu rwydweithiau, ynghyd â'n [manylion cofrestru a rhifynnau blaenorol](#).

CIW
HWW | Cymru Iach ar Waith
Healthy Working Wales

Gweminar

Rheoli Absenoldeb Salwch

Dydd Iau 14 Tachwedd

10:30 - 11:30

Gweminar Rhithwir CIW ar Reoli Absenoldeb Salwch i Gyflogwyr

Dyddiad: Dydd Iau 14 Tachwedd 2024

Amser: 10.30am - 11.30am

Platfform: Microsoft Teams

Mae Cymru Iach ar Waith yn cynnal **gweminar rithwir rhad ac am ddim ar Reoli Absenoldeb Salwch**. Cynlluniwyd y weminar i roi strategaethau effeithiol i reolwyr i reoli absenoldeb salwch yn y gweithle. Bydd y weminar yn cael ei harwain gan Gyngorwyr CIW. Mae wedi'i theilwra ar gyfer rheolwyr, gweithwyr proffesiynol

Adnoddau Dynol, swyddogion diogelwch yn y gweithle, ac unrhyw un sydd am ddeall arferion Rheoli Absenoldeb Salwch yn well. Bydd y rhai sy'n bresennol yn cael gwybodaeth ymarferol, deunyddiau o'r gweithdy, ac yn ennill tystysgrif presenoldeb.

I gael rhagor o wybodaeth ac i sicrhau eich lle, cofrestrwch **erbyn dydd Iau, 7 Tachwedd** drwy fynd i [dudalen y Weminar Rheoli Absenoldeb Salwch](#) ar wefan CIW.

Os oes gennych ymholiadau, anfonwch e-bost atom i:

Deall Menopos: Canllaw i Gyflogwyr

Proses o heneiddio naturiol a brofir gan fenywod yw'r menopos sy'n digwydd fel arfer rhwng 45 a 55 oed. Gall symptomau ddechrau hyd at 10 mlynedd ynghynt yn ystod y cyfnod perimenopos.

Mae 48% o weithlu Cymru yn ferlywod.

Mae bron i 8 o bob 10 o ferlywod menopos yn gweithio.

Mae 48% o weithlu Cymru yn ferlywod.

Mae bron i 8 o bob 10 o ferlywod menopos yn gweithio.

Mae symptomau bara am sawl blywyddyn, gan effeithio ar gynhyrchiant, presenoldeb a lles.

Mae symptomau cyffredin menopos yn cynnwys:

- pyliau o wres
- lluedd
- aflonyddwch cwsig
- poen yn y cymalau
- niwl meddwl

Mae creu amgylchedd gwaith cefnogol a hyblyg yn hanfodol.

Dewch o hyd i ragor o wybodaeth ar wefan Cymru Iach ar Waith

© Crown Copyright. All rights reserved. Reproduced with the permission of the Controller of Her Majesty's Stationery Office. Reproduction in whole or in part is prohibited without the prior written permission of the Controller of Her Majesty's Stationery Office.

Tudalen we newydd CIW ar "Deall y Menopos: Canllaw i Gyflogwyr"

Menywod sy'n mynd trwy'r menopos yw'r grŵp gweithlu sy'n tyfu gyflymaf. Yn fuan, bydd un ym mhob tri gweithiwr dros 50 oed.

Mae Cymru Iach ar Waith yn darparu [tudalen we benodol ar gyfer y Menopos](#). Mae'r dudalen hon yn cynnig canllawiau ymarferol ar greu gweithle cynhwysol, gan gynnwys awgrymiadau ar addasiadau rhesymol, rheoli symptomau, ac annog sgysiau agored. Trwy ddeall a mynd i'r afael ag effaith y menopos yn y gwaith, gall cyflogwyr wella llesiant a chynhyrchiant gweithwyr. Ewch i'r dudalen i gael mwy o adnoddau a strategaethau i greu amgylchedd cefnogol i bob gweithiwr.



Adroddiad Newydd yn tynnu sylw at Gost Gynyddol Salwch yn y Gweithle i Fusnesau'r DU

Mae [adroddiad](#) (Saesneg yn unig) gan Gomisiwn Iechyd a Ffyniant y Sefydliad Ymchwil Polisi Cyhoeddus (IPPR), sef "Ein Hased Mwyaf", yn tynnu sylw at gost gynyddol salwch yn y gweithle i fusnesau'r DU, sydd wedi cynyddu £30 biliwn er 2018. Mae'r rhan fwyaf o'r gost hon (£25 biliwn) o ganlyniad i gynhyrchiant is, ac mae'r £5 biliwn sy'n weddill yn deillio o gynnydd mewn diwrnodau salwch.

Mae'r adroddiad yn pwysleisio'r cysylltiad hollbwysig rhwng iechyd a thwf economaidd. Mae'n dangos y gall gwella iechyd y gweithlu arwain at fwy o gynhyrchiant, enillion uwch, ac economi gryfach. Anogir cyflogwyr i fuddsoddi mewn llesiant gweithwyr fel strategaeth allweddol ar gyfer llwyddiant busnes hirdymor.

Gall cyflogwyr hefyd ymweld â'n tudalen we newydd ["Rheoli Absenoldeb Salwch"](#) am wybodaeth ychwanegol.



Sesiwn Ymwybyddiaeth o Awtistiaeth i Gyflogwr (21 Tachwedd trwy Teams)

Gwahoddir cyflogwyr i sesiwn ymwybyddiaeth awtistiaeth ar-lein, wedi'i chyflwyno gan y Gymdeithas Genedlaethol Awtistiaeth mewn partneriaeth â'r Adran Gwaith a Phensiynau rhwng **2 a 3pm** ar **21 Tachwedd** trwy **Microsoft Teams**.

Bydd y rhai sy'n bresennol yn dysgu camau ymarferol y gall sefydliadau eu cymryd i ddod yn fwy cynhwysol o ran awtistiaeth. Mae'r digwyddiad hwn wedi'i gynllunio ar gyfer rheolwyr, staff Adnoddau Dynol, yn ogystal â chydweithwyr amrywiaeth a chynhwysiant sydd mewn sefyllfa i ddylanwadu ar arferion gweithle a recriwtio.


Gallwch [gofrestru yma](#) (Saesneg yn unig): Neu anfonwch e-bost i: partnership.networkandprojectteam@DWP.GOV.UK i gael gwybodaeth ychwanegol.



Arweinydd Ymgynghorol Newydd Cymru Iach ar Waith (CIW)

Yn ddiweddar, croesawodd CIW Oliver Williams, Arweinydd Ymgynghorol newydd i'r tîm. Mae Oli yn olynu Mary-Ann McKibben, yr Arweinydd Ymgynghorol sy'n gadael, sydd wedi dechrau swydd newydd yn Iechyd Cyhoeddus Cymru gyda'r tîm Rheoli Tybaco. Dymunwn y gorau i Oli yn ei swydd newydd a diolch i Mary-Ann am ei blynnyddoedd o wasanaeth.

Yn y llun mae Oliver Williams a Mary-Ann McKibben.



Cymru Iach ar Waith Ar Daith

Yn ddiweddar aeth CIW i Sioe Busnes Cymru yn Abertawe a Chynhadledd Llesiant yn y Gweithle'r Sefydliad Siartredig Personél a Datblygu (CIPD) yng Nghymru yng Nghaerdydd, lle bu'r cynrychiolwyr yn cymryd rhan mewn amrywiaeth o gyfleoedd a seminarau rhwydweithio.

Pauline Mould, Cynghorydd Iechyd y Cyhoedd CIW, oedd yn gofalu am ein bwrdd yn y ddau ddigwyddiad (yn y llun mae'r bwrdd yn Sioe Busnes Cymru). Bu Pauline yn trafod ein gwasanaethau gyda'r cynrychiolwyr.

Rydym bob amser yn mwynhau cyfarfod â'n rhanddeiliaid a byddwn yn mynd i fwy o ddigwyddiadau yn ddiweddarach yn y flwyddyn, gan gynnwys [sesiwn frifio dros frewast ar weithio hybrid](#) (Saesneg yn unig) Nghaerdydd ar 21 Tachwedd, lle bydd Oliver Williams, ein Harweinydd Ymgynghorol newydd, yn rhoi trosolwg o'r ystod o wasanaethau digidol AM DDIM y mae CIW yn eu cynnig i bob sefydliad yng Nghymru.

Dyddiadau Allweddol

[Wythnos Ryngwladol Ymwybyddiaeth Straen \(Saesneg yn unig\) \(4 - 8 Tachwedd\)](#)

Yn ystod Wythnos Ryngwladol Ymwybyddiaeth Straen, cymerwch gamau i leihau straen yn eich gweithle a hybu llesiant gweithwyr!

Mae thema 2024, "ymgyrchu i leihau straen a gwella llesiant" yn annog cyflogwyr i flaenoriaethu iechyd meddwl a chreu amgylcheddau gwaith cefnogol.

Bydd CIW yn lansio [tudalen we](#) ar "straen" ar gyfer Diwrnod Ymwybyddiaeth Straen (dydd Mercher, 06 Tachwedd).

[Wythnos Siarad am Arian \(04 - 08 Tachwedd\)](#)

Mae Wythnos Siarad am Arian yn gyfle gwyb i gyflogwyr annog sgysiau agored am arian yn y gweithle, o arian poced i bensiynau. Defnyddiwch yr wythnos hon i roi hwb i drafodaethau pwysig am lesiant ariannol gyda'ch cyflogeion ac i helpu i normaleiddio'r sgysiau hyn.

Gwrandewch ar bodlediad CIW ["Lles Ariannol yn y Gweithle."](#)

[Diwrnod Diabetes y Byd \(Saesneg yn unig\) \(14 Tachwedd\)](#)

Mae Diwrnod Diabetes y Byd yn ymgyrch fyd-eang sydd â'r nod o godi ymwybyddiaeth am ddiabetes a'i effaith. Mae thema eleni yn canolbwyntio ar bwysigrwydd atal diabetes, rheoli'r cyflwr, a dewisiadau ffordd iach o fyw.

I gael rhagor o wybodaeth ewch i dudalennau gwe ["Canllawiau Iechyd a Llesiant yn y Gweithle"](#) CIW.

Gellir cyrchu dolenni i ystod o ymgyrchoedd ymwybyddiaeth trwy [wefan CIW](#).

[Cymru Iach Ar Waith](#)



Healthy Working Wales | Floor 5, No.2 Capital Quarter Tyndall Street | Cardiff, CF10 4BZ GB

[Unsubscribe](#) | [Update Profile](#) | [Constant Contact Data Notice](#)



Try email marketing for free today!